



UNIVERSITÄTS-  
BIBLIOTHEK  
PADERBORN

**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 6. Vtrum in Christo fuerit Tristitia.

---

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

## Qu. 15. De defectibus Anima à Christo assumptis. A. 3.4.5.6. Dub. 93

sario fuisse suppleta per assistentiam diuini auxilij, que illam non permisisset in malum ferri: & ita in actu primo non fuisse inordinata.

### ARTICULUS III.

#### Vtrum in Christo fuerit Ignorantia?

<sup>13</sup> Ignorantia quid.  
**R** Espondetur Negatiue; In Christo nulla fuit Ignorantia. Notandum est; Et si humanitas Christi non sciat omnia quae scit Deus, non tamē id est in illā aliqua ignorantia. Nam Ignorantia proprie est carentia cognitionis, quam aliquis secundum suum statum & conditionem deberet habere. Et hanc omnem habuit Christus, ut supra q. 9. dictum est. Nam habuit omnem cognitionem naturalem, ad quam lumen naturæ se potest extendere. Habuit etiam cognitionem supernaturalem omnium diuinorum mysteriorum, futurorum contingentium, & secretorum cordis, tam in proprio genere, quam in Verbo; & quidem ab initio conceptionis. Et hoc communiter sentiunt Patres; vt supra ostensum est.

### ARTICULUS IV.

#### Vtrum Anima Christi fuerit Passibilis?

<sup>14</sup> Anima Christi dicitur erat passibilis.  
**R** Espondetur Tribus Conclusionibus. Prima: Anima Christi fuit passibilis passione corporali; id est, poterat affici voluptate & dolore corporis; nempe per tactum & gustum.

Secunda: Erat etiam passibilis passione animali. Nam in Christo erat appetitus sensitiū, & vis imaginatrix, quā tristitia vel lata posset apprehendere.

Tertia: Iste affectiones aliter erant in Christo, aliter in nobis: idque quoad tria. Primo, Quia in Christo non ferebantur ad aliquid illicium. Secundo, Non præueniebant iudicium Rationis. Tertio, Non trahebant umquam voluntatem.

### ARTICULUS V.

#### Vtrum in Christo fuerit Dolor sensibilis?

<sup>15</sup> Fuit in eo dolor sensibilis.  
**R** Espondetur affirmatiue. Ratio est; Quia in ipso erat laesio corporalis, que est obiectum doloris. Item fuit sensus laesio, qui est veluti applicatio obiecti. Atqui his positis necessariō in appetitu resultat dolor.

In Responsione Ad primum, Notandum est; Et si Caro Christi secundum se passibilis fuerit, & subiecta necessitatē patiendi; tamen hoc nullo modo redundabat in ipsum Verbum, nisi per communicationem idiomatiū. Verbum enim manebat in se omnino impatibile, immo ipsa quoque caro, quatenus unita Verbo, intrinsecā viua quodammodo impatibilis erat, ut flagella, ceteraque externe impressiones non possent dolorem excitare, nisi Christus illum sponte admitt-

teret. Et hoc vult Hilarius lib. 10. de Trinitate, vt recte D. Thomas exponit. Vide eundem Hilarium in Psalm 68, in principio, vbi sic ait: Uniusarum igitur passionum humanarum sorte personis, secundum suscepas infirmitates nostras loquitur; & dolet ipse quidem extra necessitatem timoris positus & doloris; sed his tamen se qua suscepit accommodans, &c.

### ARTICULUS VI.

#### Vtrum in Christo fuerit Tristitia?

<sup>16</sup> Tristitia in appetitu sensitiuo.  
**R** Espondetur Affirmatiue, fuisse Tristitiam in appetitu sensitiuo. Ratio est. Quia tristitia obiectum, est malum aliquod, sensu interiori appetitu apprehensum, ut noxium. Atqui Christus sic portans sensitiuo ter apprehendere quādam mala, tum sua; ut passionem & mortem: tum aliorum; ut peccatum Iudea, afflictionem discipulorum &c. Neque huic tristitia obstabat gaudium visionis beatificæ; quia hoc non sinebatur in appetitum inferiorem exuberare; ut ait Diuus Thomas in Corpore. Sed est

### D V B I V M.

#### Vtrum in eius Voluntate fuerit Tristitia?

<sup>17</sup> Habuit Tristitiam in Voluntate.  
**R** Espondeo; Omnino certum est, etiam in Tristitiam Doctorum dist. 15. vbi Scotus, Duran, Gabriel: te ratione vel dist. 16. vbi Gabriel. Idem tenet D. Thomas hic, & infra quart. 18. art. 6.

Probatur Matth. 26. v. 38. *Tristis est Anima mea usque ad mortem.* Quod potissimum intelligendum est de tristitia voluntatis; vt patet ex Synodo VI.

<sup>18</sup> Pide l. 2. de summo Bo- act. 4. & 11. Vbi ex hisce verbis probatur in Christo fuisse humanā voluntatem. Idem docent

Patres: Hilarius canon. 31. in Matth. & Hieronymus in caput 26. Matthæi, vbi explicit causas ob quas Christus doluit; scilicet damnationem Iudea, Petri negationem, scandalum Apostolorum, & similia. Quia omnes ad voluntatem pertinent, immo aperte dicunt illum non esse tristatum ob mortem; quod intellige principaliter: fuit tamen secundaria causa. Et ratio est; Quia in Christo fuerunt omnes defectus naturales innoxij, seu inculpati; vt ait Damascenus l. 3. c. 20. Atqui naturalis tristitia, etiam voluntatis, est defectus quidam non repugnans perfectioni gratiæ & scientiæ; & magis conferens ad redemptionem nostræ, quam tristitia partis sensitiua: ergo non minus est hac ponenda, quam illa. Deinde; Quia Christus per voluntatem ipsam, quatenus natura est, horrebat & fugiebat mortem; ut infra dicetur. Atqui ex hoc naturaliter sequitur tristitia in eadem voluntate.

Sed contra Objetetur: Voluntas fruebatur summo gaudio beatitudinis: atqui cum summo Tristitia cum summo gaudio posse. <sup>Quomodo</sup> <sup>Tristitia</sup> <sup>cum summo</sup> <sup>gaudio posse.</sup>

Respondeat Melchior Canis lib. 12. de locis rebus. Theolog. cap. 14. Christum tempore passionis miraculo suspendisse gaudium beatificum, ut perfectè posset tristari. Sed haec sententia non Canis sen- <sup>re.</sup> <sup>tentia rebus posse.</sup> est probabilis, vnde paucim ab omnibus rejectur: follis.

Primo,

94 Qu. 15. De defectibus Anima à Christo assumptis. A. 6. D. A. 7.

Primo, Quia est contra communem sententiam Theologorum etiam ipsius D. Thomae quæst. 46. art. 8. Secundò, Quia certum est Christum à principio conceptionis, secundum animam fuisse beatum; ut suprà q. 9. a. 2. ostensum est. At beatitudo includit fruitionem. Respondet Canus includere fruitionem, sed non gaudium: quare gaudium potuisse abesse à beatitudine. Sed hoc non rectè dicitur; cum, quia fructus & gaudium in voluntate idem sunt; vt alibi ostensum est: cum, quia quidquid hac de re sit, gaudium saltem est proprietas quædam beatitudinis, ex ea necessariò manans; sine qua, beatitudo est omnino mutila: perinde ac si anima rationalis carceret mente. Tertiò, Quia oportet ut Christus tota ferè vitâ suâ caruerit gaudio beatifico. Nam summo gaudio, non solum summa tristitia, sed etiam quælibet minima repugnat. Christus autem ferè semper aliquà tristitia, & quidem satis magnâ, affectus erat. Nam semper hominum peccata, & clamororum multitudo, & suppliciorum immanitas, illi ob oculos versabantur. Ob quæ multum credibile est fuisse contristatum.

Vnde Alij respondent aliter, fuisse gaudium in portione superiori voluntatis, tristitiam vero in portione inferiore eiusdem potentiae. Infinuat D. Thomas infra quæst. 46. art. 7. & 8. & aperte Caietanus ibidem; & Henricus à Gádau Quodlibet 8. q. 7.

Sed hæc Responso non satisfacit: Primo, Quia portio superior & inferior in vna voluntate, solum ratione differre videntur. Et quamvis forte esset aliqua differentia formalis, parum ad rem faceret; nam difficultas superest, quomodo fieri potuerit, vt vna eademque potentia, plena fuerit gaudij & mœroris.

Secundò, Etiam in portione superiori voluntatis tristitia patiebatur; vt rectè Scotus, Bonaventura & Gabriel docent. Quod patet; Quia non solum de malis temporalibus, vel corporis passione, quæ ad rationem inferiorum pertinent, sed potissimum de peccatis hominum, de lapide Iude, negatione Petri, durititia Iudæorum eorumque rectione, tristatus est; vt docent Patres, Hilarius & Hieronymus suprà, Ambrosius in c. 22. Luca, & Augustinus serm. 117. de tempore. Vide Ianuenium in cap. 137. Concordia. Atqui hæc ad rationem superiorum pertinent.

Confirmatur; Quia dolebat de peccatis, vt sunt offensio diuina: atqui hoc maximè est portionis superioris. Quando enim ratio dolendi vel amandi est portionis superioris æternæ considerantis, etiam dolor & amor ad rationem superiorum pertinent, quamvis obiectum materiale sit quid temporaneum: vt patet ex dictis 1.2. q. 7. Vnde etiam actus contritionis ad rationem superiorum pertinet.

Neque obstat D. Thomas locis citatis. Quia non negat Christum esse passum tristitiam in ratione superiori: sed solum negat rationem superiorum passum esse tristitiam ab obiecto suo, quod est Deus: quod verissime negatur.

Adiuverte tamen, in ratione superiori nullam fuisse tristitiam, quæ illi parti fuerit inuoluntaria. Omnis enim illa tristitia fuit ob alias rationes superiores volita eadem voluntate creatâ; immo etiam obiectum eius, spectatis omnibus circumstantijs, vel volitum fuit, vt passio & mors; vel sal-

tem voluntariè permisum, vt hominum peccata. Vnde numquam ita fuit tristatus vt nos tristatur, quibus tristitia & obiectum eius est omnino inuoluntarium.

Dicendum ergo est: Etsi gaudium & tristitia generatim sint affectiones aliquo modo repugnantes; tamè nisi versentur circa idem obiectum, quod simul & sunt propter idem motuum; non sunt propriæ in Christo contraria. Vnde simul esse possunt; vt patet in fuit Gau. tristitia concepta ex offensione Dei, & gaudio diuini & honoris diuino. Itaque cum Christi tristitia, cuique gaudiū non versarentur circa idem, vel saltem non ob idem motuum, non erant contraria: gaudebat enim de bonis Dei, & suis, & suo ruinæ electorum; tristabatur autem de malis consuertis; vt de morte sua, de peccatis hominum, corumque damnatione. Nec obstat, quod etiam de eadem morte gaudebat; nam ob aliam rationem gaudebat, ob aliam tristabatur: tristabatur enim de illâ, quatenus erat malum naturæ valde acerbuni gaudiebat vero, quatenus illa erat futura causa tantorum bonorum. His addit. Etsi gaudium & tristitia imperfecte simul esse possint, vt experimur; tamen ob illam repugnantiam, quam habent in genere, et si non versentur circa idem, nec ob eandem rationem; non potest cum summo gaudio esse aliqua tristitia. Quare diuinâ virtute factum est, vt in voluntate Christi, simul fuerit summum gaudium cum summa tristitia, vt alterum non impedit alterum.

## ARTICVLVS VII.

### Vtrum in Christo fuerit Timor?

R Espondetur; in Christo fuisse Timorem. Ut patet Marci 14. v. 33. Capit paucere, & tñdere. Fuit in Vbi Græcæ est, ἔδαυλοι ται χαι ἀχνεῖν; id Timor. est, quasi obstupefcere præ magnitudine mali impendens, & tamquam inops consilij, extremè angi. Quæ verba satis etiam indicant ingentem timorem. Ratio est; Quia in ipso erat apprehensio ingentis mali iam imminentis: atqui hæc apprehensio naturaliter parit timorem.

Dices Primum, Timor videtur pugnare cum excellentissimâ Christi fortitudine, quæ reddit hominem impavidum. Secundò; Quia D. Augustinus expositione secundâ Psal. 21. dicit Christum non vere timuisse pati, cum sciret se die tertia resurrecturum; sed propter membra sua, verba illa protulisse quæ timoris speciem præ se ferrent. Similia habent D. Hilarius can. 31. in Matth. & lib. 10. de Trinitate in principio, & D. Hieronymus in capit. 26. Matth. Tertiò; Timor est de malo quod vitari potest, & aliquo modo est incertum. Atqui sciebat omnia mala futura, eaque iam esse ineuitabilia ex diuinâ ordinatione.

Respondo; ad Primum, Timor inuoluntarius & necessarius repugnat tantæ fortitudini, non autem timor voluntarius; quem facilissime potuisset excutere, si voluisse. Hinc patet Responso ad Secundum, Loquuntur enim Patres de timore inuoluntario seu necessario: non enim timuit mortem vili illo timore, qui inuoluntarius est; & cum imbecillitate coniunctus: nam ipse extra necessitatem timoris positus erat, vt ait D. Hilarius,

*Ratio do-  
lendi alia  
est in parte  
superiori,  
alia in la-  
teriori.*

*D. Thomas  
explicatur*

*Tristitia  
hac nō fuit  
Christo in-  
voluntaria*